



## To Taub Txog Kev Pab Tu Me Nyuam Qhov Ntaus Tus Nqi Pab

### UNDERSTANDING THE UNIFORM FOSTER CARE RATE

Pib Siv Txij Lub Ib Hlis Tim 1, 2018 mus txog Lub 12 Hlis Tim 31, 2019  
Effective January 1, 2016 - December 31, 2017

#### Kev Pab Tu Me Nyuam Qhov Ntaus Tus Nqi Pab Yog Dab Tsi?

Kev Pab Tu Me Nyuam Qhov Ntaus Tus Nqi Pab (The Uniform Foster Care Rate (UFCR)) yog ib tug qauv luj cov nyiaj them txhua hli rau cov niam qhuav txiv qhuav rau tus nqi siv rau kev pab tu ib tug me nyuam. Vim qhov ntaus tus nqi pab yog nyob ntawm cov kev pab xav tau ntawm tus me nyuam, nws kuj yuav muaj cov nyiaj pab tshaj ntxiv (muab hu hais tias yog Qhov Ntaus Tus Nqi Pab Ntxiv thiab Tshwj Xeeb cov nyiaj pab them) ntxiv rau QHOV NTAUS TUS NQI PAB THAUM LUB HAUV PAUS (BASIC MAINTENANCE RATE).

#### Qhov Ntaus Tus Nqi Pab Thaum Lub Hauv Paus Muaj Dab Tsi?

Qhov Ntaus Tus Nqi Pab Thaum Lub Hauv Paus yog npaj them rau khoom noj, ris tsho hnav, vaj tse nyob, tsheb thauj mus los, kev tu tus kheej, thiab lwm cov kev siv hauv txhua lub hlis.

#### Ntawv Tso Cai Theem Ib

Qhov Ntaus Tus Nqi Pab Thaum Lub Hauv Paus yog muab rau ib tug me nyuam tsis hais hnuv nyoog li cas los ntawm ib lub tsev pab tu me nyuam uas muaj ntawv tso cai los mus muab kev pab tu them ib yog:

	<u>Lub Ib Hlis 2018</u>	<u>Lub Ib Hlis 2019</u>
Theem Ib	\$238	\$244

#### Ntawv Tso cai Tshaj Ntawm Theem Ib

Lub hnuv nyoog tam sim no ntsig txog Qhov Ntaus Tus Nqi Pab Thaum Lub Hauv Paus rau ib lub tsev pab tu me nyuam uas muaj ntawv tso cai los mus muab kev pab tu nyob rau ib them ntawm kev pab tu uas siab dua kev pab tu Theem Ib. Qhov ntaus tus nqi pab rau txhua tus me nyuam muab teev rau hauv qab no raws pab pawg hnuv nyoog.

<u>Hnuv Nyoog ntawm Tus Me Nyuam</u>	<u>Lub Ib Hlis 2018</u>	<u>Lub Ib Hlis 2019</u>
0 – 4	\$394.00	\$404.00
5 – 11	\$431.00	\$442.00
12 – 14	\$490.00	\$502.00
15 – 18	\$511.00	\$524.00

Thaum ib tug me nyuam koj pab tu muaj hnuv nyoog nto 5, 12, los yog 15 xyoos, koj yuav tau txais qhov ntaus tus nqi pab siab kawg tom ntej txij hnuv uas yog tus me nyuam lub hnuv nyoog yug tshwm sim.

Koj yuav tau txais nyiaj them rau tus me nyuam koj pab tu rau hnuv uas tus me nyuam nkag rau hauv koj lub tsev tab sis tsis yog rau hnuv uas tus me nyuam tawm hauv koj lub tsev mus.

Tus txheej txheem yog muab cais raws feem pua ntawm kev siv rau cov khoom siv rau cov me nyuam muaj ntau lub hnuv nyoog txawv. Qhov no yog npaj ua ib cov lus qhia. Nws yog ib qho to taub tias koj tsev neeg yuav siv Kev Pab Tu Me Nyuam Qhov Ntaus Cov Nqi Pab txhua hli hauv txoj kev uas yuav pab tau zoo tshaj plaws rau tus me nyuam koj pab tu cov kev xav tau.

**Cov Lus Qhia rau txoj kev siv Qhov Ntaus Tus Nqi Pab Thaum Lub Hauv Paus**

Cov kev muab cais meej raws khoom noj, ris tsho hnav, vaj tse nyob, thiab kev tu tus kheej thiab lwm cov kev siv yog muab raws tus nqi siv nyiaj tu ib tug me nyuam kom loj hlob uas muab xam los ntawm Tsoom Fwv Teb Chaws Fab Saib Xyuas Kev Ua Qoob Loo (U.S. Department of Agriculture). Vim tus nqi siv nyiaj tu ib tug me nyuam kom loj hlob ntau dua qhov nyiaj muab los ntawm Qhov Ntaus Tus Nqi Pab Thaum Lub Hauv Paus, cov feem pua tsuas yog muab ua ib cov lus qhia rau cov niam qhuav txiv qhuav pab tu tus me nyuam xwb. Cov lej muab no yog cov feem pua ntawm Qhov Ntaus Tus Nqi Pab Thaum Lub Hauv Paus uas tau txais rau ib tug me nyuam hauv pab pawg hnuv nyoog muab los hais no.

**KHOOM NOJ**

Hnuv Nyoog 0 txog 4	17 txog 30%
Hnuv Nyoog 5 txog 11	26 txog 33%
Hnuv Nyoog 12 txog 14	Thaj Tsam Li 33%
Hnuv Nyoog 15+	Thaj Tsam Li 33%

**RIS TSHO HNAV**

Hnuv Nyoog 0 txog 4	Thaj Tsam Li 6%
Hnuv Nyoog 5 txog 11	Thaj Tsam Li 8%
Hnuv Nyoog 12 txog 14	Thaj Tsam Li 11%
Hnuv Nyoog 15+	Thaj Tsam Li 13%

**VAJ TSE NYOB**

Hnuv Nyoog 0 txog 4	48 txog 58%
Hnuv Nyoog 5 txog 11	Thaj Tsam Li 43%
Hnuv Nyoog 12 txog 14	Thaj Tsam Li 39%
Hnuv Nyoog 15+	Thaj Tsam Li 36%

**KEV TU TUS KHEEJ THIAB LWM COV KEV SIV\***

Hnuv Nyoog 0 txog 4	Thaj Tsam Li 18%
Hnuv Nyoog 5 txog 11	Thaj Tsam Li 19%
Hnuv Nyoog 12 txog 14	Thaj Tsam Li 17%
Hnuv Nyoog 15+	Thaj Tsam Li 17%

\* Lwm cov kev siv yog muaj xws li tab sis kuj tsis yog tas rau txiav plaub hau, xab npum da dej, tshuaj zawv taub hau, tshuaj txhuam hniav, thiab cov khoom siv kawm ntawv.

**Puas muaj ib qho pab ntxiv rau cov me nyuam uas muaj cov kev xav tau kev pab tshwj xeeb?**

Muaj, rau ib lub tsev uas muaj ntawv tso cai los mus muab kev pab tu rau ntawm theem siab dua kev pab tu Theem Ib. Yog koj tus me nyuam muaj cov kev xav tau kev pab rau kev tswj tus kheej, kev coj tus cwj pwm, los yog kev kho mob, koj yuav thov tau ib qho nyiaj pab ntxiv txhua hli los mus them rau cov nqi tu ib tug me nyuam muaj cov kev xav tau kev pab tshwj xeeb. Thaum pom zoo muab lawm, qhov nyiaj pab no muab hu ua QHOV NTAUS TUS NQI PAB NTXIV (SUPPLEMENTAL RATE).

**Qhov Ntaus Tus Nqi Pab Ntxiv txiav txim muab li cas?**

Hauv thawj 30 hnuv tom qab muab ib tug me nyuam rau koj pab tu tso rau hauv koj lub tsev lawm, koj thiab koj tus neeg khiav hauj lwm yuav sib tham seb tus me nyuam puas yuav muaj feem tau txais Qhov Ntaus Tus Nqi Pab Ntxiv. Yog tus me nyuam muab rau koj pab tu muaj cov kev xav tau uas yuav tsum tau kev pab los yog muaj kev saib xyuas tshwj xeeb, tus neeg khiav hauj lwm yuav xa ib cov lus piav meej txog tus me nyuam cov teeb meem los yog tus xeeb ceem cov kev coj tus cwj pwm.

Cov ntaub ntawv ntsuam xyuas los ntawm cov kws kho mob, cov kws kuaj laj lim tswv yim, cov kws tu mob, los yog lwm cov kws kho mob tshwj xeeb kuj yuav muab xa nrog tus neeg khiav hauj lwm daim ntawv.

Kev siv ib txoj kev luj thiab lwm yam ntaub ntawv qhia paub hais txog tus me nyuam kev tswj tus kheej, kev coj tus cwj pwm, thiab kev kho mob cov kev xav tau kev pab, qhov chaw ua hauj lwm muab tus me nyuam tso rau neeg pab tu mam li txiav txim txog theem ntawm kev pab tu tus me nyuam seb nyob theem twg thiab mam teev cov kev xav tau kev pab tshwj xeeb ntawm tus me nyuam.

Theem ntawm kev pab tu thiab cov kev xav tau kev pab tshwj xeeb uas muab teev cia yog cov siv rau qhov muab Qhov Ntaus Tus Nqi Pab Ntxiv.

**Qhov Ntaus Tus Nqi Pab Ntxiv Puas Pauv Tau?**

Koj thiab koj tus neeg khiav hauj lwm yuav xyuas koj tus me nyuam kev nce qib txhua rau (6) lub hlis. Tom qab cov kev xyuas, Qhov Ntaus Tus Nqi Pab Ntxiv kuj yuav muab pauv yog tus me nyuam tej teeb meem pauv. Hais qhia rau koj tus neeg khiav hauj lwm paub txov cov kev pauv tseem ceeb thaum muaj tshwm sim tuaj.

**Yog ib tug me nyuam xav tau kev pab tu thiab kev saib xyuas txhua lub sij hawm ne?**

Yog ib tug me nyuam xav tau cov kev pab ntau ntxiv, koj yuav tau txais ib qho nyiaj pab ntxiv hu ua QHOV NTAUS TUS NQI PAB TSHWJ XEEB (EXCEPTIONAL RATE). Qhov nyiaj them kuj yuav muab pab yog tus me nyuam qhov muab nws tso rau hauv koj lub tsev pub rau tus me nyuam raug muab tso tawm ntawm ib qho chaw muaj txoj cai nruj tshaj los yog pab tiv thaiv tus me nyuam qhov muab nws tso rau hauv ib qhov chaw zoo li ntawd. Tsuas yog cov muab kev pab tu uas muaj ntawv tso cai nyob siab tshaj Theem Ib thiaj tau txais qhov ntaus tus nqi pab tshwj xeeb xwb.

**Koj yuav tau txais ib Qhov Ntaus Tus Nqi Pab Tshwj Xeeb yog hais tias, piv txwv li:**

- tus me nyuam muaj cov teeb meem rau lub cev ntau heev uas yuav tsum tau muab kev saib xyuas ntxiv.
- tus me nyuam muaj cov teeb meem kev tswj tus kheej loj heev.
- tau kuaj pom tus me nyuam muaj kev mob puas hlwb hnyav xws li mob hlwb (schizophrenia), hlwb khiav tsis zoo (cognitive disability), hlwb puas tsuaj (brain damage), los yog mob autism.
- tus me nyuam muaj tus mob quav dej caw los yog lwm yam yeeb tshuaj thiab yuav tau saib xyuas tsis pub nrug.
- koj thauj tus me nyuam mus los rau tom tsev kawm ntawv ua ntej muab nws rho tawm thiab qhov no yog rau ntawm ib cheeb tsam (district) uas tsis yog cheeb tsam kom nyob rau hauv.

Cov ntaus tus nqi pab rau Thaum Lub Hauv Paus, Pab Ntxiv, thiab Pab Tshwj Xeeb yuav tsis pub tshaj \$2,000.

**Yog tias ib tug me nyuam los rau hauv kuv lub tsev muaj me ntsis ris tsho hnav xwb los yog yeej tsis muaj hlo li ne?**

Tej zaum koj yuav tau txais ib QHO NYIAJ PAB RAU YUAV RIS TSHO HNAV INITIAL CLOTHING ALLOWANCE (saib lub voj voos hauv qab no) yog hais tias:

- nws yog tus me nyuam thawj zaug muab nws tso rau neeg pab tu; los yog.
- nws tau tsawg kawg plaub (4) lub hlis los lawm txij thaum tus me nyuam tawm hauv tsev tu zaum kawg.

<u>Pab Pawg Hnub Nyoog</u>	<u>Nyiaj Them Pab Yuav Ris Tsho Hnav</u>
0 – 4	siab txog \$225.00
5 – 11	siab txog \$263.00
12 – 14	siab txog \$300.00
15 – 18	siab txog \$300.00

Cov nyiaj pab rau cov ris tsho hnav ib ntus, ib yam li cov ris tsho hnav raws caij nyoog, yuav tsis pub them rau. Muaj ib qho nyiaj nrog Qhov Ntaus Tus Nqi Pab Thaum Lub Hauv Paus rau qhov no txhua hli.

### **Yog kuv tsis pom zoo raws li qhov ntaus tus nqi pab ne?**

Koj yuav thov tau kom rov muab qhov ntaus tus nqi pab los txiav txim xyuas dua. Koj kuj tham tau koj cov kev txhawj xeeb nrog tus neeg muab qhov ntaus tus nqi pab thiab qhov chaw khiav hauj lwm tus thawj tswj. Yog koj tseem tsis pom zoo raws li qhov ntaus tus nqi pab thiab, koj yuav tau xav txog qhov ua ntawv tsis txaus siab kom mus sib hais rau ntawm lub rooj mloog kev ncaj ncees tus txheej txheem. Koj qhov chaw khiav hauj lwm tus thawj tswj los yog Tus Neeg Khiav Hauj Lwm Muab Me Nyuam Rau Neeg Pab Tu yuav qhia rau koj tias yuav ua ntawv thov kom muaj ib lub rooj mloog kev ncaj ncees li cas.

### **Puas muaj ntawv pov hwm rau cov niam qhuav txiv qhuav?**

Muaj lub xeev ib qho nyiaj muab kev pab ib co kev tiv thaiv thaum koj tus kheej daim ntawv pov hwm cov cai tsis kam pab. Lub xeev qhov nyiaj pab them rau ib co cuab yeej cuab tam raug muab ua piam sij thiab ua rau raug mob tus kheej uas yog tus me nyuam muab rau neeg pab tu yog tus tsim muaj. Qhov kev pab them thiab cov tsis them yuav pauv mus los. Qhov chaw khiav hauj lwm muab ntawv tso cai rau koj lub tsev pab tu me nyuam yuav qhia rau koj paub txog tej yam hloov tshiab.

### **Muaj lus nug ntxiv?**

Hu rau koj tus neeg khiav hauj lwm los yog Tus Neeg Khiav Hauj Lwm Muab Me Nyuam Rau Neeg Pab Tu kom piav ntxiv. Koj kuj mus saib tau peb Qhov Muab Me Nyuam Rau Neeg Pab Tu lub website ntawm <https://dcf.wisconsin.gov/cwportal/fc>

Yog koj muaj lus nug tsis hais dab tsi txog kev muab me nyuam rau neeg pab tu los yog kev saws me nyuam hauv Wisconsin, koj kuj hu tau rau Kev Muab Me Nyuam Rau Neeg Pab Tu thiab Kev Saws Me Nyuam Qhov Chaw ntawm <http://www.wifostercareandadoption.org/> los yog 1-800-947-8074.

**KUV COV ME NYUAM KUV PAB TU COV NTAWV TEEG TSEG**

TUS ME NYUAM LUB NPE (CHILD'S NAME)	HNUB MUAB TSO RAU PAB TU (PLACEMENT DATE)	QHOV NTAUS TUS NQI PAB THAUM LUB HAUV PAUS (BASIC MAINTENANCE RATE)	QHOV NTAUS TUS NQI PAB NTXIV (SUPPLEMEN TAL RATE)	QHOV NTAUS TUS NQI PAB TSHWJ XEEB (EXCEPTIONAL RATE)	QHOV NTAUS TUS NQI PAB TXHUA HLI (MONTHLY RATE)	QHOV NTAUS TUS NQI PAB ZAUM ROV XYUAS TAS LOS (LAST REVIEW RATE)

Lub Department of Children and Families (DCF) yog ib tus tswv hauj lwm thiab muab kev pab muaj vaj huam sib luag rau sawv daws. Yog koj muaj ib tus mob xiam oob qhab thiab xav tau cov ntaub ntawv no ua lwm hom, los sis xav tau nws txhais ua lwm hom lus, thov hu (608) 266-8787 los sis qhov Wisconsin Relay Service (WRS) – 711 TTY. Rau cov lus nug txog koj cov cai hu rau (608) 422-6889 los sis Wisconsin Relay Service (WRS) – 711 TTY.